

國家圖書館藏歷史檔案文獻叢刊

北洋公牘類纂（正續編）

第6冊

全國圖書館文獻縮微復制中心

國家圖書館藏歷史檔案文獻叢刊

北洋公牘類纂 (正續編)

第 6 冊

全國圖書館文獻縮微複製中心

新學
社
PDG

目錄

第一冊

出版說明	（一）
目錄	（三）
北洋公牘類纂序	一
北洋公牘類纂目錄	五
北洋公牘類纂卷一	七一
北洋公牘類纂卷二	一二七
北洋公牘類纂卷三	一八五
北洋公牘類纂卷四	二七五
北洋公牘類纂卷五	三七五
北洋公牘類纂卷六	四五三
北洋公牘類纂卷七	四九九
北洋公牘類纂卷八	五五五
北洋公牘類纂卷九	六二五
北洋公牘類纂卷十	七一一

第二冊

第三冊

北洋公牘類纂卷十一	八二三
北洋公牘類纂卷十二	九一九
北洋公牘類纂卷十三	一〇一九
北洋公牘類纂卷十四	一一一九
北洋公牘類纂卷十五	一一九三
北洋公牘類纂卷十六	一二三七
北洋公牘類纂卷十七	一二六九
北洋公牘類纂卷十八	一三〇三
北洋公牘類纂卷十九	一三七七
北洋公牘類纂卷二十	一四七七
北洋公牘類纂卷二十一	一五六七
北洋公牘類纂卷二十二	一六三五
北洋公牘類纂卷二十三	一六七九
北洋公牘類纂卷二十四	一七二五

第四冊

北洋公牘類纂續編卷二十五	一八一九
北洋公牘類纂續編序	一八五九
北洋公牘類纂續編卷一目錄	一八六三
北洋公牘類纂續編卷二	一九二五
北洋公牘類纂續編卷三	二〇二一
北洋公牘類纂續編卷四	二一〇三

第五冊

北洋公牘類纂續編卷五	二二一一
北洋公牘類纂續編卷六	二二九九
北洋公牘類纂續編卷七	二三四九
北洋公牘類纂續編卷八	二三九九
北洋公牘類纂續編卷九	二四九七
北洋公牘類纂續編卷十	二五七一
北洋公牘類纂續編卷十一	二六六三

第六冊

北洋公牘類纂續編卷十二	二七三九
北洋公牘類纂續編卷十三	二七九九

第七冊

北洋公牘類纂續編卷十四	二八三七
北洋公牘類纂續編卷十五	二九一七
北洋公牘類纂續編卷十六	三〇二七
北洋公牘類纂續編卷十七	三〇六五
北洋公牘類纂續編卷十八	三一二九
北洋公牘類纂續編卷十九	三二三三
北洋公牘類纂續編卷二十	三三三七
北洋公牘類纂續編卷二十一	三四三七
北洋公牘類纂續編卷二十二	三五五五
北洋公牘類纂續編卷二十三	三六一七
北洋公牘類纂續編卷二十四	三六七五

北洋公牘類纂續編卷十二

釐政三

運司詳擬將長蘆課吏館改爲鹽務研究所文並批

爲詳明事竊照本司署內向設有長蘆課吏館俾蘆屬需次各員入館學習酌給津貼原爲造就人才體恤僚屬起見前因到蘆人員日多經費短絀經本司詳明 憲台將蘆商報効餘款酌量提撥在案本司查長蘆課吏館既係專收鹽務人員自應以研究鹽務爲宗旨若仍舊名未免略無區別擬卽於宣統元年改爲長蘆鹽務研究所以符名實所內設監督一員以原派之正課長郭牧曾鈞接充應需經費卽將課吏館之款撥充所有擬改長蘆課吏館爲長蘆鹽務研究所緣由理合照錄章程備文詳請 憲台察核示遵

謹擬長蘆鹽務研究所章程恭呈 憲鑒 一定名 改本署長蘆課吏館爲長蘆鹽務研究所以符名實 一宗旨 本所以體恤實僚培養人才爲宗旨凡蘆屬需次人員現無專差者皆准入所研究 一經費 本所經費除將課吏館原有之款撥充外現本司又在蘆商報効項下酌提專款以資挹注 一事權 本所大綱由本司主政總理派設監督一員稟承本司命令管理所內一切事宜有督率監察各員權責 一等第 在所各員暫定爲一等二等三等三項以宏造就而示區別 一津貼 一等各員

月給津貼銀四十兩二等各員月給津貼銀三十兩三等各員月給津貼銀二十兩 一季考 在所各員由本司按季考試分別升降 一課程 各員入所研究所有長蘆鹽務情形及一切利弊均應認真考察確有心得方不負本司殷殷誘掖之意每日限上午九點鐘以前到所下午三點鐘以後散出每星期由監督試以論策一篇或文牘一件借驗功課 一規則 在所各員如有二星期無故不到者一二等降等三等扣津貼一個月三星期無故不到者扣除 一辦公 本司總理薩綱來往公牘皆關鹽務足資歷練所有本署日行文稿稟批應由各員裁擬以助研究至某人應辦某件由監督酌量派定毋許推諉積壓 一新班 此後陸續到蘆人員可先入所研究每人每月先給額外津貼銀十兩以示體恤積有三人彙考一次考取列等再給津貼 一奉差 凡入所各員奉有他差薪津數在四十兩以上者本所不給津貼若數在四十兩以下情願入所者姑准附列三等末發給三等津貼之半倘有差隱匿不報一經查出或被告發即行扣除 一獎罰 在所研究各員如所試屢列前茅辦公又甚勤奮每三個月由監督記功一次積至三功稟由本司酌量核獎提升其有懈怠疲玩之員隨時記過積至三過分別降等停發津貼 一備膳 本所備有午膳不備晚膳每人每月膳費銀二兩由津貼項下扣除 一供役 本所派有夫役發送文件及伺候茶水飯食打掃等事各員毋須攜帶家丁到所以免混雜 一章 以上各條經本司核定頒布如有未盡事宜及應行變通之處隨時酌擬增減

督憲楊 批如詳辦理摺存此繳

運司張儼永屬鹽務暨緹私局概用長蘆候補人員稟請 督憲端批示文並批

敬稟者竊維長蘆人員有運同運判大使經歷知事巡檢等名目而運同只一缺運判只一缺大使只十
一缺經歷知事巡檢各一缺此外如駐坨委員春秋關委員稽查灘坨委員可派之差寥寥無幾差事有
限輪補無期缺少人多未免坐困曩時候補者不過一二十人自前年 朝廷嘉惠士林爲舊日舉貢特
籌出路於是以鹽大使分發外省者更僕難終京津匪遙來蘆人員尤絡繹於道垠在綜計已有百人以
昔較今增至數倍該員等讀書教品不屑營求雖局所紛繁並無蠲枝之可借加以米珠薪桂力尤不支
且本係正途出身因專服鹽車地方反視爲異途又不如其他佐班尙有借署之可望故不得不守株以
待彈鋏而歌竭數十年之精力僅博一官離數千里而宦游難迎二老誰非人子誰無室家目擊情形心
殊憫惻前經稟准設立研空所額定八十名畧給薪津稍資補救然係權宜之計寔非長久之謀況素餐
貽誚於懸鵠而好爵難縻以鳴鶴亦該員等棄之可惜受之不安者也前奉 鈞批如有請假者按程途
遠近酌予川資 憲恩高深無不銜感惟舊學不諳新法各科皆改專門設絳帳而誰從吟青衿而增慨
舍此末秩別無良圖本司謬管蘆綱理宜籌畫上月接到法政研究所來咨將鹽員五十名剔除不令占
地方額數竊謂既分畛域應辨職司鹽員固不得侵越地方自不當攙混鹽務查永七乃本司所創辦計

二〇二〇年三月

北洋官報兼印刷局校印

七州縣兩場兩轉運局六七十子店在在需人平日隨意委派未嘗到省僅有虛銜者亦得濫竽其司事則並虛銜而無之間或虧耗公款往往革無可革追無可追似不足以昭慎重擬請嗣後專委長蘆候補者充當由永七向本司咨取如不稱職即行遴換又有緝私十六局亦擬嗣後酌用鹽員畫清權限合此二處不患賦閑尤可藉此微差查其貪廉勤惰他日補署庶不致委任非人一轉移間則安國有復燃之灰毛義有承歡之檄曹子建無求試之憾柳宗元無送窮之文矣本司爲調劑鹽員體恤寒峻起見是否有當伏乞批示祇遵

督憲端 批據稟鹽務候補人員現逾百數人多缺少困苦異常而永七所轄兩場兩轉運局六七十子店需用委員司事甚多向來隨意委派或未經到省或僅有虛銜其司事並虛銜而無之間或虧耗公款往往革無可革追無可追不足以昭慎重擬請嗣後專委長蘆候補者充當由永七局向該司咨取如不稱職即行遴換又緝私局十六處亦擬酌用鹽員等情查本月十六日欽奉 上諭嗣後差委事宜務須先儘本省人員擇能委用不准任意奏調他省人員等因欽此是他省人員尙不准任意調用何況僅有虛銜及並無官職之人豈可任其濫廁其間致滋貽貽今該司所請係以鹽務候補人員承充鹽務差使既免賦閑之慮且有歷練之資而上官亦可藉此察其貪廉考其勤惰將來遇有缺出擇能補署不致委用非人且候補人員迥殊司事遇有虧蝕公款可以參革追賠尙不致於無著是一

舉而數善俱備洵屬法良意美堪以准行除附片 奏明並行永屬總局遵辦外仰卽分別移行遵照
此繳

永屬鹽局張道鎮芳稟報接辦永屬鹽務情形並核定灘價章程乞示遵文並批

敬稟者竊職道承辦永七鹽務幸蒙 憲台主持於上現已大有轉機而定價之重輕實關得利之厚薄
試辦之未能盡善者尤不憚隨時酌改俾重公帑而濬利源伏查石碑場產鹽甚富灶戶民戶任意爭晒
互相傾擠官局未辦以前各灘私自售賣每筐二百斤不過售東錢五六百文至七八百文不等迨官局
開辦之初秦前牧奎良人地生疏不諳往日價值輒定爲每筐東錢一吊文遽稟運署立案各灘得此厚
價實非始願所及職道細加訪查早已廉得其情遂飭守灘員司傳集各灘戶等諭以從前私售之數無
逾八百文者官辦以後縱不格外從減豈可又復加增殊欠平允應將秦牧原價酌減東錢二百文每筐
給東錢八百文不拖不欠秉公交易云云各灘戶知無可蒙蔽富卽俯首無辭數月以來一體照辦其團
林小灘亦相率聽命此石碑場團林兩處核減灘價之情形也至濟民一場查秦牧稟中祇言仍照舊章
辦理并未詳細聲叙職道訪悉舊章灤州州牧向於每年冬間由灘盤收散鹽至柏各莊築坨存積名爲
每包四百二十七斤給價東錢三吊文實則賄使局役抑壓灘秤於額定斤重而外所收甚鉅以致司巡
人等上下其手百弊叢生故彼時州牧所用役咸以柏各莊鹽廠爲利藪尤以冬間盤散爲美差剝削

灶民莫此爲甚職道查悉此弊本年盤鹽之際製一木架定以砵碼眼同懸較不准勇役用手相扶既將從前歷秤之積習一掃而空因將現在所發之灘價量爲酌減於是與之訂議每包給價東錢二吊四百文在官局化私爲公原期實事求是在灶民以此較彼亦可實惠均沾故踴躍樂從毫無覬覦此濟民場核減灘價之情形也以上三處灘價均自本年春間爲始謹擬著爲定章以垂永久除咨運司外理合稟請 憲台查核立案實爲公便

督憲袁 批如詳辦理此繳

永屬鹽務總局咨覆運司陸永七銷鹽難定確數文

爲咨覆事案於本年四月十七日准前運司汪咨稱案查永平府屬盧龍等七州縣鹽務廢弛日久自光緒二十九年改歸委員設局試辦擬在石碑場地方設立總局將該場所產鹽斤發給灘價悉數收回設卡巡查緝禁私販並於盧龍等七州縣城內各設分局承運濟銷收回利權冀充庫帑惟永屬鹽價多寡不等自應酌量核減以示體恤並准舊日販鹽民人向官局領鹽散賣不絕該民人等生計以期與民相安至各州縣銷數及應交課款應俟試辦一二年後再行請 奏立案當經本司詳蒙 督鹽憲袁具奏奉 戶部議覆俟試辦一年後即將征收課款確數核明造報以便酌中定額總期實事求是藉挽頽綱行司查照辦理等因當經轉行永平鹽局並永平府及盧龍等七州縣查照嗣於光緒二十九年十二

月間蒙 督鹽憲袁 札准 戶部議覆蘆商於光緒二十八年九月開綱後四個月已銷已征引課數目一併造冊報部核銷案內行查永七官辦各岸引一萬七千二百十道應征課銀一萬一千八百五兩四錢八分七釐究竟永平官辦七屬各引是否亦按四個月劃算運銷原奏並未叙及並令查明聲覆轉行到司復經本司以永七鹽務改歸設局試辦將及一年辦理尙無端緒其征收課款確數一時尙難核定寔緣該岸荒廢日久與商辦各岸情形迥不相同所有光緒二十八年開綱後永屬各引未能按四個月劃算運銷現仍飭催趕緊整頓應俟永七核定章程再將征收課款詳請 部示遵照辦理詳奉 督鹽憲袁 咨覆 戶部查照各在案茲查永屬鹽務自改歸設局試辦以來已有年餘究竟各該岸每年額引如何領運如何征收現在 戶部度支竭蹶正當籌增餉項之時於鹽務尤爲加意考求所有永屬每年運銷鹽觔征收課款各數目必須定有試辦章程以免部詰相應備文咨請貴道希即迅速詳細籌議咨覆以憑詳請 部示遵照辦理望切施行復於七月初三日准 貴司咨稱光緒三十年六月十四日蒙 督鹽憲袁札准 戶部咨開議覆蘆商光緒二十八年開綱以後課銀扣算引額飭令按引攤完案內以長蘆永平七屬官辦引課向係年清年款而每年應領緝費係由運庫發給其二十八年九月開綱應徵四個月引課既在未經設局試辦以前自應查照商運成案責令徵完今該運司祇以永屬各引未能按四個月劃算運銷一語詳覆殊屬含混究竟此四個月有無銷徵引課數目及應領緝費是否未

發存庫應令卽飭查明分晰聲覆以憑核辦至所稱永平七屬徵收課款確數一時尙難核定現已飭催整頓應俟核定章程再行咨部辦理一節查上年二月本部核議永屬鹽務設局試辦案內奏令該督查明石碑場每年實在產鹽數目已籌的款若干是否足敷收買並七屬歷來鹽價多寡酌減之數若何總分各局應用員司月需經費各若干是否不動正款一併先行開單報部立案等因迄今未據登復應催令查明詳晰開單報部並遵照奏案即將試辦一年徵收課款確數核明造報以便酌中定額勿任推延等因轉行到前司未及核辦卸事移交到本署司蒙此卷查永屬鹽務自改歸設局試辦以來已有年餘究竟各該岸每年額引如何領運課款如何征收業經汪前司咨請詳細籌議咨覆以憑詳請 部示遵照辦理在案迄今日久未准咨覆過司現奉 戶部行查正當籌增餉項之時於鹽務尤宜加意考求所有永屬每年運銷鹽斤征收課款各數目必須定有試辦章程以免部詰合再備文咨請貴道希即查照前咨及此次奉到 戶部行查速即詳細籌議妥確章程咨覆過司以憑覆核詳請部示遵照辦理幸勿再延望速施行各等因准此查永屬七州縣行銷額引一萬七千二百十道應徵正雜課銀一萬一千八百五兩有奇應領緝費一萬六千餘兩從前經何人領引何人交課并於何年月日何人承領緝費敝局無憑查考運署應有案可稽至此次設局試辦本係官運官銷售鹽得價多銷一分鹽即多解一分款實事求是冀裕庫儲與商人之按引納課者大不相同惟奏前牧奎良開辦之始佈置疏忽私販囤積到處

充斥以致虧耗成本勢將不支敝道自上年七月到差以後以嚴守灘地爲目的以裁減浮費爲起點以推廣銷路爲義務以實銷實報儘徵儘解爲宗旨雖樂亭昌黎迄今尙滯而此外五州縣均已大有轉機但灤州一屬原係本地紳商包辦上年十二月始經收歸官局其秋冬五個月商店銷項未能詳悉其鹽數款數亦不能入算卽就敝道經辦各處之秋冬春夏四季計之已約銷鹽一千三百萬斤上下約收銀十六萬兩左右將來整頓日久自可有增無減若遽指爲額銷是畫地自限也此不能驟定確數之實在情形也又部咨飭令查明石碑場每年實在產鹽數目已籌的款若干是否足敷收買一節查開辦之始石碑場各灘存鹽約有五六十萬筐以每筐二百斤計之約有一萬萬斤爲數如此之鉅官家斷無包收之理案前牧率行估計發價收買以致各灶請領灘價日不暇給故該牧所借成本銀六萬兩旣須預發鹽價又加各處開支不及數月全行用罄而各灶未鑿所求仍復糾纏不已敝道洞悉此弊祇飭嚴守灘地不准私售用一筐鹽卽發一筐價未嘗絲毫拖欠亦不准轆轤預支仍於運鹽之際將案牧所發之價漸次扣回各灶知有定章始無覬覦現在場鹽存積甚多足敷銷售俟其銷路大旺卽當督催趕晒旣不積壓官本而隨晒隨銷各民戶自不得壟斷居奇各灶戶亦庶可永免苦累矣又部咨詢七屬歷來鹽價多寡酌減之數若何查從前灤州遷安向歸商人承辦每斤制錢十五文其餘各屬私相傳買并無定價至官局試辦定爲灤州遷安盧龍每斤制錢十五文昌黎撫寧臨榆每斤制錢十四文樂亭每斤制錢十

二文敝道以七屬鹽價不齊易生趨避當於本年五月請將昌黎撫甯臨榆樂亭四縣統改爲每斤制錢十五文俾與灤州遷安盧龍一律業已咨明在案至轉售外販之鹽均係相機酌價不在此例又 部咨四個月劃算引銷數目查敝局稟定章程分春夏秋冬四季造報於蘆綱辦法雖稍有參差而於官家款項毫無出入除售鹽解款而外不惟無須領引亦無須承領緝費歷次稟定之成案即現在試辦之章程也又 部咨詢總分各局應用員司月需經費若干是否不動正款查此事與辦伊始總分各局子店共有六七十處委司勇役共有數百員名增減因時不能預爲限制至於添置房產購買傢俱運鹽之多寡腳價之貴賤更難先行估定祇可核實開支按季造報惟所有此項經費均在鹽價內提用並未另動正款總之永屬自開辦以來秦牧領過銀六萬兩敝道領過銀三萬兩共計九萬兩就敝道經辦而言接收秦牧各項交代作銀六萬三千餘兩除付該牧現銀并房產傢俱等項係實用實銷不計外祇作收三萬五千餘兩合之所領之三萬兩共計六萬五千餘兩敝道統籌全局業已咨明請將前後兩項借款九萬兩統歸敝局分五年認還并請每年所售鹽價除鹽本運脚開支經費外卽行儘數報解在案惟此五年內帶還借款尙屬現在有本之餘利俟五年後繳清借款卽係永遠自然之利源現奉 戶部行查各節相應備文咨覆 貴司請煩查照酌核詳覆望切施行須至咨者

署直督憲那據李道振鵬張守道源條陳永七鹽務善後辦法札連司永屬鹽局會同核議文

李道振鵬謹擬永七鹽務善後辦法五則 一應添募緝私勇隊也查永七地方千里分店七十餘處雖有淮練陸軍就近彈壓可暫而不可常領餉不由鹽局呼應自欠靈通前歸地方官承辦尙自募馬勇八十名步隊二百名是以私梟絕迹地面平安現在地廣店多擬請 飭局添募緝私馬勇百六十名步勇三百名自發口糧擇要巡緝 一應責成州縣緝私酌加津貼也查處分則例牧令本有緝私之責各處鹽店年節均有例規誠以派差緝私需發川資管押鹽犯需發口糧並有薪工紙張等費擬請 飭局委派各州縣協同緝私歲給津貼四百兩一州六縣共需銀二千八百兩經費尙易措辦 一招本地紳商設店漸易員司也查從前地方官承辦時係本地紳商繳價領鹽設店發賣近日奉天吉林鹽務亦用此法即官督商辦之意所有運鹽腳價店中開銷均由該子店給發銀元均按市價鹽秤亦無短少本地人與本地交易均係商辦性質相安日久絕少風潮今各子店均用員司其妥實辦事者固屬不少而短秤舞弊者亦難保其必無擬請 飭局先將口外及近關邊汛改爲招商領銷取具妥保寬予餘利如無流弊逐漸更換再由局派妥員暗查如有短秤及銀元加數等弊立即撤換罰辦 一應加給滿耗以免短秤也查目下永七存鹽足支二年不患出鹽之不旺第患銷路之不暢查奉省章程正鹽六百斤例耗四十斤爲一石運至吉林例耗外又加八十斤永七每百斤加耗五斤設如運道較遠風吹日晒銷耗必多應請 飭局酌加滿耗以免員司藉口短少飭兩如酌加後查有短秤情弊立即懲罰 一口外至熱河

等處應發販以廣銷路也查盧龍遷安口外大障子等處道遠俗悍設店不易不若於口內招商發販不必拘定例價卽熱河之灤平豐寧平泉建昌建平平等五州縣前經 松都統任內咨准食永七之鹽該五處北距蒙古千餘里灤河則一水可通鹽入熱境每一斤抽鹽釐五文水運便而陸運艱蒙鹽昂而灤鹽賤上年 廷都統咨稱熱商鄭姓願赴永局運鹽至熱銷售有案可查應請 飭局發販至口外一帶變通辦理以廣銷路

張守道源謹擬永七鹽務善後辦法六則 一應委各州縣稽查鹽務以佐總局委查所不週各子店跨集平口所售鹽斤是否乾潔足秤倘有違背局章應准各牧令據實稟辦似此內弊既除外怨不起縱有匪徒無從煽惑各牧令身膺民社本有緝匪安商之責又有稽查鹽務之權認真秉公辦理地方無不翕然 一鹽局宜聯絡紳商學三界董事惟到處鄉民皆以董事爲表率現時舉辦新政地方官遇事猶須不時接見假以禮貌况鹽務分局子店雖係官辦究屬賣鹽此後應飭令與紳董聯絡以通聲氣縱有刁劣造謠先期防備庶可弭患於無形卽事起倉猝亦可排解於臨時又何至聚衆搶鹽各屬響應釀成如此巨案 一各屬官鹽分局改委本省候補人員專司其事以銷暢滯分年按月考其功過記功至三次給予酌署記過至三次卽行撤委由總局持平考核按季榜示如此明定賞罰該委員等無不各顧考成勇於從事 一應委各州縣督飭巡警幫同協緝現在各屬警務成立責其協緝較之鹽巡似覺得宜鹽

巡聞風捕緝私犯或可逃脫隱匿警兵終日梭巡村鎮內無不知其底細如有私販及勾引窩銷之家亦必畏罪歛跡另圖生計內販剔清外販自不敢入似此辦理永杜私販充斥之患警兵緝獲鹽犯交地方官訊明鹽斤交局變價充賞以示鼓勵 一明示砵碼以杜口實應將各屬鹽局所用之秤由總局較准印烙給發再與各該縣市面所用之秤比較究竟或大或小刊牌明示以免藉口而杜弊竇 一各州縣鹽局之分店跨集招商試辦各縣鄉僻之區子店跨集應招各該處商民試辦仿照安徽省辦法令其先交押本領票賣鹽至其銷數照每月定額只能多領不准少領鹽價隨領隨交如三個月不領鹽將所領賣票追繳押本作爲烏有如此辦法一俟銷數較昔有盈無絀即將子店跨集司事秤役裁撤以節局費

雲南補用道周曜逢 督憲端札飭調查永七鹽務據實稟復及條陳亟宜整理各項文並 護督憲崔批

敬稟者竊職道奉 飭調查永平鹽務遵即前往參訪輿論調閱案卷以期詳盡利弊據該局坐辦林道學城稱接事未久僅將本年正月至七月底出入各款開送前來查冊內所開僅八個月且前後轆轤殊難照一年統計大抵出入相當盈餘無多謹將原冊呈 閱竊思已往者尙待勾稽方來者亟宜整理此次調查所得謹爲我 憲台陳之夫款之盈絀總以銷鹽多寡爲衡該局銷鹽雖無定數然每年所解土藥四文加價皆有八萬餘兩約合制錢十五六萬餘串以四文一斤計之當銷鹽三四千萬餘斤若再設